



UNIVERSITÄTS-
BIBLIOTHEK
PADERBORN

**R. P. Antonii De Escobar Et Mendoza, Vallisoletani,
Societatis Iesv Theologi, Vniversæ Theologiæ Moralis,
Receptiores Absqve Lite Sententiæ nec-non
Problematicæ Disquisitiones ... Tomus ...**

**Escobar y Mendoza, Antonio de
Lugduni, 1652-1663**

C. 4. De huius Sacramenti Ministro.

[urn:nbn:de:hbz:466:1-80513](https://nbn-resolving.org/urn:nbn:de:hbz:466:1-80513)

Seccio I. De Extr. Vnct. receptior. sent. 171

us, si à parte rei Sacramentum subsistat. At-
tamen in praxi haud est facile à communi
vfu recedendum, nisi aliter postulet evidens
necessitas. Quia quamvis hæc opinio sit pro-
babilis, non caret etiam magna dubietate an
hæc forma sit sufficiens ad Sacramenti valo-
rem: Vnde vti forma dubia, certa relicta, in
Sacramentorum collatione, graue peccatum est,
nisi excuset necessitas. Viçorel. de Extr. Vnct.
Suar. dist. 40. sect. 3. Tambur. de Iure Abbat.
rom. 2. dist. 1. 7. quæstion. 1. Polleuin. ca-
p. 9. numero 19. Diana parte 2. tractatu de
Sacram. fol. 168. & p. 5. tr. 3. resol. 89.

33 Sacro pestis tempore ad contagionem vi-
tandam, potest infirmum inungere virgula au-
rea, argentea, vel lignea mediante, verè tamen
Oleo intincta sic vti pericietur vnctio. Peracta
verò vnctione virgula huiusmodi aut purgabit
ac in similem vsum seruabit si aurea, vel ar-
gentea sit ob Sacramenti reuerentiam: vel si sit
lignea, igne absumentur. Sylui. in supplem. 3. p.
q. 32. art. 3.



CAPVT IV.

De huius Sacramenti Ministro.

24 **M**INISTER Extremæ Vnctionis neces-
sarius est solus Sacerdos quamvis ex-
communicatus, vel degradatus, Iacob.
5. Inducat Presbyteros Ecclesiam. Et in nullo ca-
su etiam extremæ necessitatis inferior Sacerdo-
te habet potestatem administrandi hoc Sacra-
mentum. Quia in rebus spiritualibus fundatis in
institutione Christi non licet addere exceptio-
nem sine auctoritate, aut ratione euidenti. Non
potest tamen quilibet Sacerdos licitè Sacramen-
tum hoc administrare nisi habeat iurisdictionem
& ab Ecclesia non impeditam. Vnde qui non est
proprius Sacerdos, hoc Sacramentum sine Pa-
rochi licentia administrans, grauiter delinquit.
D. Thom. in supplem. q. 31. a. 2. Suar. d. 43. sect. 1.
n. 5. Reginald. lib. 28. n. 60. Coninch. d. 19. dub. 9.
Sylui. in supplem. q. 31. a. 1. & 2.

25 Religiosus exemptus administrans sine Pa-
rochi licentia Extremam Vnctionem, vel sine
Sedis Apostolicæ privilegio in Clement. 1.
de priuile. excommunicationem incidit. In ne-
cessitate tamen, v. g. quando infirmus est mor-
talis, et iam non potest peruenire ad Parochum
Religiosus, hoc confert Sacramentum absque
excommunicationis periculo. Quia tunc præ-
sumitur consensus Episcopi, vel summi Præsu-
lis. Henriq. l. 3. cap. 1. 3. n. 4. Nauar. cap. 27. n. 101.
Diana p. 5. tr. 3. resol. 82. Valent. tom. 4. d. 8. q. 1.
p. 1. 2.

26 Si Parochus nolit expressè nec per se, nec per
alium hoc Sacramentum ministrare in extremâ
necessitate dummodo scandalû vitetur, & con-
suetudo non sit, Parochum id iniquè agere: potest Regula-
ris Sacerdos, vel ipso repugnante id gerere. Quia
eo casu non censetur, ius alterius usurpari, sed
defendi innocentiam. Suar. d. 44. sect. 2. Sotus in
4. dist. 23. q. 1.

27 Necessitate urgente, validè confertur hoc Sa-
cramentum à pluribus Sacerdotibus partialiter
sic concurrentibus, vt vnus vnâ partem, alius
aliâ inuigat independenter ab alio, prolata
Escob. & Mend. Theol. Moral. T. III.

ab istis in singulis vnctionibus debita forma.
Quia cum hoc Sacramentum habeat plures
partiales materias & formas, quarum singulae ha-
bent suam specialem significationem per ordi-
nem ad suum effectum, quamvis à pluribus con-
feratur, idè non requirit necessariò vnitatem
Ministri. Talis autem necessitas est si Sacerdos
post peractas aliquas vnctiones moriatur, aut
propter aliquod impedimentum omnes perfe-
qui nequeat. Extrâ necessitatem verò non po-
test absque peccato lethali hoc Sacramentum à
pluribus administrari. Quia esset contra vsum
Ecclesiæ in re graui. Imò quia est tantum pro-
babile, & non certum, validum esse hoc Sa-
cramentum à duobus collatum, tutius erit ab altero
vnctiones repeti, perinde ac si prior ille nihil ea-
rum inchoasset: & præcipuè si mora inter sin-
gulas vnctiones factas à duobus interposita tan-
ta esset, vt obistere posset Sacramenti validitati.
Quia id infirmo multò est vtilius, cum sic Sacra-
mentum certissimè recipiat. D. Tho. apud Suar.
dist. 44. sect. 2. n. 5. Filiuc. tract. 3. num. 91. Sa-
u. Extr. Vnct. n. 11. Bonac. d. 7. p. 1. 4. n. 7. Tolet.
l. 7. c. 2. Præpos. 3. p. q. vni. de Sacram. Extr. Vnct.
dub. 5. n. 37.

Extra neces-
sitate non po-
test sine mor-
tali.

Minister ex officio huius Sacramenti est Pa-
rochus & tenetur ex iustitia fidelibus sibi subdi-
tis illud administrare. Quia tenetur oues suas
pascere, ordinaria remedia salutis exhibendo,
quando opportuno tempore requiruntur. Vnde
si circa hoc sit notabiliter negligens cum infirmi
periculo, mortaliter delinquit. Nauar. c. 2. 5. num.
131. Suar. d. 44. sect. 2. Filiuc. tr. 3. n. 96. 97. & 6.
Sylui. q. 32. a. 3. concl. 3.

28 Parochus ex
iustitia tene-
tur admini-
strare.

Deficiente verò Parocho, tenetur Episcopus
id per se ipsum præstare, vel de alio Ministro
ouibus providere. Alij autem ratione necessita-
tis infirmi, deficiente Parocho, tenentur ex cha-
ritate etiam sub mortali. Quia fratri in extremis
constituito hoc fortè necessarium subsidium Chri-
stiana debet pietas. Doctores citati.

29 Deficiente Pa-
rocho, ex iustitia
tenetur
Episcopus, ali-
j ex charitate.

Pestis tempore magis obligatur Pastor, quàm
alius non habens tale munus: & non potest
fugere, sed adesse tenetur per se vel per suum Vi-
carium, vt Sacramentum confessionis & Eu-
charistiæ etiam cum mortis periculo admini-
stret. Extremam autem Vnctionem tenetur
etiam administrare, si id possit sine mortali, vitæ
discrimine: aliàs non tenetur. Quia non est Sa-
cramentum necessitatis, & sufficienter provide-
tur necessitati infirmi per Confessionem & Eu-
charistiæ. Suar. d. 44. sect. 3. Diana p. 5. tr. 3. re-
sol. 83. & p. 3. tr. 4. resol. 174.

30 Quid debeat
Parochus cir-
ca hoc tempo-
re periculi.

Attamen si contingat, infirmum non potuisse
recipere Sacramentum Pœnitentiæ, nec Eucha-
ristiæ: tunc Parochus debet etiam cum certo
vitæ periculo Extremam Vnctionem admini-
strare. Quia fieri potest vt infirmus habens at-
tentionem percepto hoc Sacramento saluetur,
qui alioqui esset damnandus. Sylui. quæstione
32. concl. 2. & 4. Sanctius in select. dist. 27.
numero 16.

31 Si agrotus non
possit aliud
Sacramentum
recipere, tene-
tur del. c. 2.
vitæ periculo.

ESCOBAR
Theol. Moral.
Tom. II. IV.
F. IV.